

16.08.2026

Тропарь воскресный, глас 2:

Егда́ снизше́л еси́ к сме́рти, Животе́ Безсме́ртный, / тогда́ адъ умертви́л еси́ блиста́нием Божества́: / егда́ же и уме́ршия от преиспо́дних воскреси́л еси́, / вся́ си́лы небе́сныя взыва́ху: / Жизнода́вче, Христе́ Бо́же на́ш, сла́ва Тебе́.

Тропарь, глас 4:

Правило веры и образ кротости, / воздержания учителя / яви ты стаду твоему / Яже вещей Истина. / Сего ради стяжал еси смирением величие, / нищетою богатая, / отче священноначальниче Николае, / моли Христа Бога, / спастися душам нашим.

Тропарь прпп. Исаа́кия, Далма́та и Фавста, глас 4:

Бо́же оте́ц на́ших, / творя́й при́сно с на́ми по Твое́й кро́тости, / не отста́ви ми́лость Твою́ от нас, / но моли́твами их / в ми́ре упрáви живо́т наш.

Кондак воскресный, глас 2:

Воскре́сл еси́ от гроба́, Всеси́льне Спа́се, / и адъ ви́дев чу́до, ужасе́ся, / и ме́ртвии воста́ша; / тва́рь же ви́дящи сра́дуется Тебе́, / и Ада́м свеселится́, / и ми́р, Спа́се мо́й, воспева́ет Тя́ при́сно.

Кондак, глас 3:

В Мирех, святе, священнодействитель показался еси, / Христово бо, преподобне, Евангелие исполнив, / положил еси душу твою о людех твоих / и спасл еси неповинныя от смерти. / Сего ради освятился еси, / яко великий таинник Божия благодати.

Сла́ва Отцу́, и Сы́ну, и Свято́му Ду́ху.

Кондак прпп. Исаа́кия, Далма́та и Фавста, глас 2:

Поще́нием возсия́вша, я́ко свети́ла, / и е́реси разврати́вша ве́рою, / пе́сньми Исаа́кия восхва́лим и с Далма́том Фа́вста, / я́ко Христóвы уго́дники, / Того́ моля́щия о всех нас.

И ны́не, и при́сно, и во ве́ки веко́в. Ами́нь.

Кондак Пресвятой Богородице, глас 6:

Предстáтельство христиáн непосты́дное,/ ходáтайство ко Творцú
непрелóжное,/ не прéзри грéшных молéний глáсы,/ но предварí, я́ко
Благáя, на по́мощь нас,/ véрно зовúщих Ти:/ ускори́ на моли́тву и
потщи́ся на умоле́ние,// предстáтельствующи при́сно, Богоро́дице,
чтúщих Тя.

Прокимен, глас 2: Кре́пость моя́ и пéние моё́ Госпо́дь, / и бысть мне во
спасéние.

Причастен: Хвалíte Го́спода с Небéс, хвалíte Егó в Вы́шних.
Аллилу́иа. Аллилу́иа. Аллилу́иа.